

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

«ЛУКОЙЛ-Коми» ИКК-лөн пытшкөс прöмыслöвöй мусир провод вылын авариякөд да ва объектъясö мусир сора ва веськалöмкөд йтöдын «Неминуча» уджалан режим пыртöм йылысь

«Вөр-ва да техногеннöй сяма неминучаясысь олысьясöс да мутас видзöм йылысь» 1994 во öшым тöлысь 21 лунся 68-ФЗ №-а Федеральнöй оланпас, «Вөр-ва да техногеннöй сяма неминучаясысь Коми Республикаса олысьясöс да мутасъяс видзöм йылысь» 1999 во йирым тöлысь 19 лунся 48-РЗ №-а Коми Республикаса Оланпас, «Неминучаяс йылысь юөрлысь муртöсьяс вынсьöдöм йылысь» Россияса МЧС-лөн 2004 во сора тöлысь 8 лунся 329 №-а тшöктöд, Коми Республикаын неминучаясысь öлöдöм да найöс бырöдöм да пöжарысь видзчысьöм серти комиссияса заседаниелөн 2021 во ода-кора тöлысь 16 лунся 6 №-а сёрнигижöд серти да сы могысь, медым дугöдны «Усинск» КК МЮ, «Изьва» МР МЮ да «Чилимдін» МР МЮ мутасъяслөн мудоръясын ва объектъяс вывті мусир сора ва паськалöмсö, шуа:

1. Пыртны 2021 во ода-кора тöлысь 17 лунсянь да торья тшöктöмöдз Неминучаясысь öлöдан да найöс бырöдан öтувья канму системаса Коми республиканскöй системаувлөн Усинск, Изьва да Чилимдін муниципальнöй звенояслөн веськöдлан органъяслы да вынъяслы муниципалитетъяс костын «Неминуча» уджалан режим да урчитны реагируйтан дінму тшупöд.

2. Коми Республикаса вөр-ва озырлун да гөгортас видзан министерстволы:

2.1. Лöсьöдны «ЛУКОЙЛ-Коми» ИКК-лөн «ЛУКОЙЛ-Севернефтегаз» МПП КЦДНГ-5 Ошса мусир куйлöдлөн пытшкөс прöмыслöвöй мусир проводса дюкернöй вуджанинын авариялысь колясьяс

бырөдөм серти оперативной штаб.

2.2. Котыртны Россияса МЧС-лөн Коми Республикаын медшөр веськөдланінлөн ЦУКС-са оперативно-дежурной службаө авариялысь колясьяс бырөдөм серти артмөм обстановка да примитөм мераяс йылысь лөсялана төдмөгъяс да юөртөмъяс дасьтөмсө да сетөмсө.

2.3. Мусир да мусирысь вөчөмторъясөн торкөм муяс примитөм серти ведомствокоствса комиссиялөн удж дырйи видлавны Колва юлысь ва видзан зона да акватория сы могысь, медым видзөдны «ЛУКОЙЛ-Коми» ИКК-лөн «ЛУКОЙЛ-Севернефтегаз» МПП КЦДНГ-5 объект вылын 2021 во ода-кора төлысь 11 луно мусир сора валөн аварийной киссьөмлысь колясьяссө бырөдөм серти мероприятияяс олөмө пөртөм бөрся. Видлалөмлысь бөртасьяссө сетны Коми Республикаса Юралысьлы 2021 вося лөддзаномъя төлысь 15 лунысь абу сөрджык.

3. Неминучаясысь өлөдан да найөс бырөдан өтувья канму системаса Коми республиканской системаувлөн Усинск, Изьва да Чилимдін муниципальной звенояслөн веськөдлан органъяслы да вынъяслы:

1) пыртны Неминучаясысь өлөдан да найөс бырөдан өтувья канму системаын Коми республиканской системаува муниципальной звенояслөн веськөдлан органьясса да вынъясса юрнуөдысьясслысь да чина йөзлысь сутки чөж дежуритөм;

2) лөсьөдны мусир сора ва аварийной киссьөмкөд йитчөм авариялысь колясьяс бырөдөм серти оперативной штабьяс;

3) котыртны Россияса МЧС-лөн Коми Республикаын медшөр веськөдланінлөн ЦУКС-са оперативно-дежурной службаө авариялысь колясьяс бырөдөм серти артмөм обстановка да уджъяс нуөдөм йылысь лөсялана төдмөгъяс да юөртөмъяс дасьтөмсө да сетөмсө;

4) өтувья дежурно-диспетчерской службаяс пыр организацияслөн (объектъяслөн) дежурно-диспетчерской службаяскөд да быд лун веськөдлан мукөд органкөд өтув котыртны ва объектъясө мусир сора ва

веськалом серти артмом обстановка йылысь тӧдмӧгъяс бӧрся дугдывтӧг видзӧдӧмсӧ, найӧс чукӧртӧмсӧ да обработайтӧмсӧ;

5) оперативнӧй помшумъяс примитӧм могысь водзӧ быд лун визуальнӧя видзӧдны Колва юлӧн, Уса юлӧн да Печора юлӧн ва объектъяс вылын уна рӧма плӧнка паськалом бӧрся;

6) могмӧдны олысьясӧс, а сӧдзжӧ Коми Республикаын лӧсялана муниципальнӧй юкӧнъяслӧн предприятиеясӧн, учреждениеясӧн да организацияясӧн юрнуӧдысьясӧс мусир сора ва аварийнӧя киссьӧм да Колва юлӧн, Уса юлӧн да Печора юлӧн ва объектъясӧ сылӧн веськалом да авариялысь колясьяс бырӧдӧм серти примитӧм мераяс йылысь юӧртӧм.

4. Вӧзйыны Вӧр-ваӧн вӧдитчан юкӧнын дӧзьӧр нуӧдысь федеральнӧй службалӧн Коми Республикаын да Ненеч асвеськӧдлан кытшын дӧнмукоствася веськӧдланӧнлы компетенция серти административнӧя туявны да артавны гӧгӧртаслы вайӧм ущерб «ЛУКОЙЛ-Коми» ИКК-лӧн «ЛУКОЙЛ-Севернефтегаз» МПП КЦДНГ-5 объект вылын 2021 вося ода-кора тӧлысь 11 лунӧ мусир сора ва аварийнӧя киссьӧм бӧрын нйитчӧм серти. Уджлӧн бӧртасъяс серти юӧрсӧ сетны Коми Республикаса Юралысьлы.

5. Вӧзйыны Ньӧбысьяслысь инӧдъяс да мортлысь бур олӧм доръян юкӧнын дӧзьӧр нуӧдысь федеральнӧй службалӧн Коми Республикаын веськӧдланӧнлы котыртны Колва сикт гӧгӧрын Колва юлӧн ваын мусирысь вӧчӧмторъяслӧн медпозыана концентрация бӧрся видзӧдӧм.

6. Вӧзйыны «Коми Республикаса гидрометеорология да гӧгӧртас серти мониторинг нуӧдысь шӧрин» канму учреждениелы Колвавом (Колва ю), Усавом (Печора ю), Сем Ӗндрей (Печора ю), Щельяюр (визуальнӧя, Печора ю), Чилимдӧн (Печора ю), Йӧрмидз (Печора ю) гидрологическӧй постъяслӧн вынъясӧн быд лун визуальнӧя видзӧдны ва объектъяслӧн ногтуй бӧрся да босытны пробаяс. Ӗтувтӧм юӧрсӧ быд лун сетны неминучалысь колясьяс бырӧдӧм серти оперативнӧй штабӧ.

7. «ЛУКОЙЛ-Коми» ИКК-лы:

1) водзö пöртны олöмö мусир сора валöн аварийнöя киссьöмлысь да Колва юлөн, Уса юлөн да Печора юлөн ва объектъясö сылөн веськалöмлысь колясьяссö бырöдöм серти мероприятияяс;

2) Мусир да мусирясь вöчöмторъясөн торкöм муяс примитöм серти ведомствокогтса комиссиялы котыртны да могмöдны Колва юлөн ва объект мутас весьтти лэбалöмсö мусир сора валöн аварийнöя киссян места да Колва юлөн ва объект вылö сы могысь, медем нуöдны мусир сора ва аварийнöя киссьöмлысь колясьяс бырöдöм серти уджьяс;

3) могмöдны Колва юлөн ва объект вылын гидрологическöй обстановкалысь пыр кадея мониторинг оперативнöй мераяс примитöм могысь;

4) быд лун Россияса МЧС-лөн Коми Республикаын медшöр веськöдланінлөн ЦУКС-са оперативно-дежурнöй службаö да «Усинск» КК МЮ-са öтувья дежурно-диспетчерскöй службаö сетны мусир сора ва аварийнöя киссьöмлысь колясьяс бырöдöм серти нуöдан уджьяслөн муанног йылысь объективнöй юöр.

8. Тайö Индöдсö олöмö пöртöм бöрся видзöдны Коми Республикаса Веськöдлан котырөн Юрнуöдысьöс вежысьлы.

9. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктывкар

2021 вося ода-кора тöлысь 17 лун

63 №